



AKCIJE SIPA u Kalesiji uhapsila 21-godišnju Elmu Đusinac

Srbijanka privedena zbog prijetnji po sigurnost BiH

Radi se o državljanki Srbije, nevjenčanoj supruzi optuženog radikalnog vehabije iz Dubnice Enesa Mešića

Elma Đusinac, 21-godišnja državljanka Srbije, uhapšena je preksinoć u Kalesiji zbog sumnje da je povezana s radikalnim ekstremističkim grupama u BiH, nezvanično je potvrđeno „Avazu“ iz Službe za poslove sa strancima BiH.

Nema papire

Đusinac je privela Državna agencija za istrage i zaštitu (SIPA), jer „predsta-

Uloga MUP-a Srbije

Nalog za hapšenje Đusinac navodno je stigao direktno iz MUP-a Srbije, a akcija je provedena po naredbi Tužilaštva BiH, koje je naredilo SIPA-i da Đusinac i uhapsi. Ona je preksinoć locirana i prebačena u Sarajevo.

vlja moguću prijetnju po sigurnost BiH“. Ona je nakon saslušanja prebačena u prostorije Imigracionog centra Službe za poslove sa strancima u Sarajevu, jer nema bh. papire, a provjeravaju se i sve okolnosti njenog dolaska u BiH.

Iz ove službe rečeno nam je da će po okončanju istrage Đusinac odmah biti deportirana u Srbiju. Istragu o njenom dolasku u BiH provode SIPA i Tužilaštvo.

- Sada se još sve ispituje i traju vještačenja. Mora se vidjeti zbog čega je ona došla baš sada u BiH i s kim je sve povezana – kaže naš sagovornik.

Riječ je o nevjenčanoj supruzi Enesa Mešića, radikalnog vehabije koji je priveden pa pušten. Njegaje SIPA hapsila u akciji „Damask 1“, ali je nakon tri mjeseca provedena u pritvoru pušten na slobodu, uz mjere zabrane.

Đusinac je u BiH ušla



Enes Mešić, suprug Elme Đusinac, ranije hapšen (Foto: Arhiv)

prošle sedmice, a locirana je, navodno, u Dubnici, selu kod Kalesije u kojem žive pripadnici vehabijske zajednice. O njenom dolasku u BiH sigurnosne strukture obavijestili su obavještajni

izvori iz Srbije, jer Đusinac ima prebivalište u Kosovskoj Mitrovici, a u Srbiji je, također, praćena duže vrijeme.

Obavještajne i sigurnosne agencijama naše zemlje već odranije prate i njenog

nevjenčanog supruga Mešića, koji je povezan s Abdulahom Hasanovićem, Bilalom Bosnićem i Nusretom Imamovićem. Mešića je Tužilaštvo BiH prije pola godine, zajedno s još 11 vehabija, optužilo da su članovi organizirane terorističke grupe i da su protuzakonito učestvovali u oružanim sukobima na području Sirije i Iraka.

On je doveden i u vezu sa zlostavljanjem nevjenčane supruge iz Busovače, navodnim pokušajem obrezivanja, zbog čega je ona završila u bolnici.

Uloga supruga

Mešić je prekjucher, također, saslušan na okolnosti dolaska Elme Đusinac. Naši izvori tvrde da, iako je pušten, mogao bi itekako biti povezan s motivima dolaska supruge u BiH.

Iz SIPA-e nisu željeli komentirati ove navode.

M. AŠČIĆ